



Na osnovu člana 3. stav (1) i člana 140. stav (5) Zakona o službi u OS BiH („Službeni glasnik BiH“ broj:88/05, 53/07, 59/09, 74/10 i 42/12), a u skladu sa odredbama 2., 20., 21., 22., 23., 24., 25., 26. i 27. Pravilnik o školovanju i usavršavanju u MO i OS BiH broj: 13-02-3-1632/10 od 01.04.2010.godine, a u cilju odabira kandidata za školovanje na Vojnim akademijama u inostranstvu, Ministarstvo odbrane Bosne i Hercegovine raspisuje,

J A V N I K O N K U R S
za školovanje kadeta na Kopnenoj vojnoj akademiji i Vazduhoplovnoj vojnoj akademiji u
Sjedinjenim Američkim Državama za školsku 2015/2019. godina

I – Ministarstvo odbrane Bosne i Hercegovine raspisuje javni konkurs za školovanje kadeta na Kopnenoj vojnoj akademiji i Vazduhoplovnoj vojnoj akademiji u Sjedinjenim Američkim Državama za školsku 2015/2019 godinu po sljedećem:

- a) Šest kadeta na Kopnenoj vojnoj akademiji (u daljem tekstu West Point),
- b) Šest kadeta na Vazduhoplovnoj vojnoj akademiji.

II – Školovanje u Sjedinjenim Američkim Državama traje četiri godine, počevši od školske 2015/2016. godine.

Odabrani kandidati imat će svojstvo kadeta, čija će prava i obaveze biti regulisane u skladu sa članom 73., 142. i 143 Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09 i 42/12) i članom 29. Zakona o plaćama i naknadama u institucijama Bosne i Hercegovine („Službeni glasnik BiH“, broj:56/08, 35/09, 75/09, 87/10, 32/12 i 42/12).

Za vrijeme školovanja kadetima su osigurani smještaj i ishrana u internatu Vojne akademije.

Po završetku školovanja, kadeti će biti primljeni u vojnu službu u početnom činu oficira Oružanih snaga Bosne i Hercegovine, potporučnik (OF-1), odgovarajućeg roda-službe.

Međusobne obaveze kandidata izabranog za školovanje na Vojnoj akademiji u Sjedinjenim Američkim Državama i Ministarstva odbrane Bosne i Hercegovine regulisaće se ugovorom o školovanju.

III – USLOVI KONKURSA

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10 i 42/12“) :
 - a) da je državljanin/ka Bosne i Hercegovine,
 - b) da je zdravstveno sposoban/na za službu u Oružanim snagama,
 - c) da nije osuđivan/a na bezuslovnu kaznu zatvora u trajanju dužem od šest mjeseci,
 - d) da nije prethodno otpušten/a iz državne službe ili pravnog lica zbog povrede službene dužnosti u posljednje tri godine,
 - e) da se protiv njega/nje ne vodi krivični postupak za krivično djelo za koje se goni po službenoj dužnosti,
 - f) da mu/joj pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - g) da ima odgovarajuću stručnu spremu potrebnu za obavljanje određene dužnosti.
2. **Posebni uslovi:**
 - a) završena srednja škola IV stepen, da je u svakom razredu postigao/la najmanje dobar uspjeh (kandidati sa prosjekom ocjena vrlo dobar i više će imati prednost ako dva ili više kandidata imaju ukupan broj bodova jednak), prosjek ocjena iz matematike i fizike najmanje dobar (kandidati sa prosjekom ocjena vrlo dobar i više će imati prednost ako dva ili više kandidata imaju ukupan broj bodova jednak),
 - b) da nije mlađi/a od 17 i stariji/a od 23. godine na dan 01. jula 2015. godine,
 - c) poznavanje rada na računaru (Word, Excel, Power Point, Internet),
 - d) da je psihički i fizički zdrav/a i sposoban/na za vojnu službu.

Napomena: Kandidati prijavljeni na Javni konkurs proći će test fizičke spremnosti, test općeg znanja i intervju. Sigurnosnu provjeru za svakog uspješnog kandidata izvršiće nadležni sektor ministarstva odbrane Bosne i Hercegovine, a zdravstveni pregled kandidata koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine. Prilikom rangiranja kandidata postignuti uspjeh u srednjoj školi bodovat će se na način da će se izvršiti zbir ocjena iz tačke a) posebnih uslova konkursa. Kandidati koji zadovolje kriterije iz tačke 1) opštih uslova i tačke 2) posebnih uslova konkursa će biti pozvani na završni intervju sa Komisijom MO BiH i predstavnika Ureda za sigurnosnu saradnju (ODC) Ambasade SAD u Sarajevu.

3. Posebni uslovi prema kriterijima akademija u Sjedinjenim Američkim Državama

- a) položen Scholastic Aptitude Test (SAT) do krajnjeg roka za podnošenje aplikacije 15.12.2014.godine. Kopija rezultata se dostavlja direktno Vojnoj akademiji (kod akademije 2924 za SAT/2976 za ACT). Srednja vrijednost SAT rezultata za međunarodne kadete na Vojnoj akademiji primljene u tekućoj akademskoj godini bio je 560 bodova za usmeni ispit i 640 bodova za test iz matematike. Sve informacije o polaganju SAT testa se mogu pronaći na stranici <http://sat.collegeboard.org/register/sat-international-dates>
- b) položen test engleskog kao stranog jezika (TOEFL) do krajnjeg roka za podnošenje aplikacije 15.12.2014.godine. Kopija TOEFL rezultata se dostavlja direktno Vojnoj akademiji (kod akademije 2924). Srednja vrijednost TOEFL rezultata za međunarodne

kadete na Vojnoj akademiji primljene u tekućoj akademskoj godini bio je 98 od mogućih 120. Sve informacije o polaganju TOEFL testa se mogu pronaći na stranici <http://www.ets.org/toefl>

- c) Provjeru fizičke spremnosti realizovat će MO BiH u saradnji sa Ambasdom SAD u Sarajevu, po kriterijima propisanim od strane akademija. Provjera fizičke spremnosti će se realizovati kroz sljedeće discipline: trčanje 1 milja (1,6 km), sklekovi, trbušnjaci, sprint, zgibovi i bacanje košarkaške lopte u dalj. Sve informacije o kriterijima za polaganje testa fizičke spremnosti su navedene na stranicama:
http://www.westpoint.edu/admissions/SitePages/Pros_Cadets_International.aspx
<http://www.academyadmissions.com/admissions/advice-to-applicants/international-students/>
- e) da kandidat posjeduje snažan potencijal za buduće vođe kroz
- aktivno učešće u vannastavnim aktivnostima,
 - učestvovanje na školskim ili lokalnim sportskim natjecanjima,
- f) preporuke nastavnog osoblja srednje škole koju je kandidat pohađao/la,
- g) da kandidat nije oženjen/udata, da nije u drugom stanju i da nema zakonsku obavezu izdržavanja djece.

Zdravstveni uslovi:

- h) da kandidat ne boluje od zaraznih oboljenja (HIV, TBC, Hepatitis) kao i da ne boluje od astme, oboljenja srca,
- i) da ima odličan vid i da nema problema koji bi mogli predstavljati prepreku za treniranje boksa (deformacija rožnjače RK, PRK, laserska korekcija vida),
- j) da dobro podnosi velike vrućine i da nema sklonost ka dobijanju sunčаницe,
- k) da nije u drugom stanju,
- l) da nema zubnih oboljenja i/ili drugih stomatoloških problema koji bi mogli predstavljati prepreku u treniranju boksa,
- m) da nema povredu glave koja bi mogla predstavljati prepreku u treniranju boksa.

IV POTREBNI DOKUMENTI

- prijavni formular i biografija, isključivo po obrascu (www.mod.gov.ba),
- original ili ovjerena fotokopija diplome završene četverogodišnje srednje škole, kao i kopija na engleskom jeziku ovjerena od strane sudskog tumača,
- ovjerene fotokopije svjedočanstava svih razreda srednje škole kao i kopije svjedočanstava svih razreda prevedene na engleski jezik ovjerene od strane sudskog tumača,
- ukoliko je kandidat pohađao ili završio školu u inostranstvu potrebno je da dostavi nostrifikovanu diplomu ili ekvivalenciju svjedočanstava završenih razreda u inostranstvu od strane nadležnog organa, original ili ovjerenu fotokopiju,
- uvjerenja o državljanstvu ne starije od 6 (šest) mjeseci ,
- izvod iz matične knjige rođenih ne stariji od 6 (šest) mjeseci kao i original ili ovjerena fotokopija prevedena na engleskom jeziku i ovjerena od strane sudskog tumača,
- uvjerenje o nevođenju krivičnog postupka ne starije od 3 (tri) mjeseca izdato od nadležnog suda,
- ovjerena izjava ili potvrda (uvjerenje) institucije/pravnog lica da u posljednje tri godine nije otpušten zbog povrede službene dužnosti (za kandidate koji su bili ili su još uvijek zaposleni),
- prijava prebivališta CIPS-a ne starija od 6 (šest) mjeseci,

- ovjerena izjava od podnosioca prijave da nema zakonsku obavezu izdržavanja djece,
- dokaz o položenim SAT i TOEFL testovima (dostaviti printanu verziju rezultata dostavljena na email lica koje je polagalo test),
- ukoliko je kandidat učestvovao na školskim ili lokalnim sportskim natjecanjima potrebno je da dostavi original ili fotokopiju priznanja ovjerenu od strane sudskog tumača,
- pismo preporuke nastavnog osoblja srednje škole koju je kandidat pohađao/la (prevedeno na engleski jezik od strane sudskog tumača),
- dokaz o poznavanju rada na računaru ukoliko kandidat nije imao predmet informatiku tokom školovanja.

V ODABIR KANDIDATA

Izbor kandidata izvršiće Komisija koju će formirati Ministar odbrane Bosne i Hercegovine.

VI PRIJAVA NA JAVNI KONKURS

Sve tražene dokumente treba dostaviti putem poštanske službe preporučeno na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

Sa naznakom „Javni konkurs za školovanje kadeta u SAD 2015/2019“

i na email eucom.stuttgart.ecj5-8.list.bosniaherzegovina@mail.mil

Sa naznakom „Interested in U.S. Service Academy”

Konkurs ostaje otvoren do 15.12.2014.godine. Ispunjavanje uslova utvrđenih ovim Javnim konkursom računa se danom predaje prijave. Nepotpune, neblagovremene i neuredne prijave, prijave kandidata koji ne ispunjavaju uslove ovog Javnog konkursa, kao i kopije tražene dokumentacije koje nisu ovjerene, neće se uzimati u razmatranje.

Broj:10-33-2-3376-3-1/14
Sarajevo, 23.10.2010.godine

MINISTAR
Zekerijah Osmić, dipl.oec.